



# Leksyon

## 8

### "ANG IGLESIA"

#### 1. Unsa ang Iglesia sumala sa Bibliya?

- Sumala sa Bibliya, ang iglesia mao ang lawas ni Cristo, kang kinsa ang ulo mao si Cristo.

Taga-Colosas 1:18. Siya mao ang ulo sa lawas, nga mao ang iglesia. Siya mao ang sinugdan sa kinabuhi sa lawas.

Taga-Efeso 1:22, 23. Ug Siya nagpahaluna sa tanang mga butang aron mahisakup ilalum sa iyang mga tiil, ug naghimo

kaniya nga ulo ibabaw sa tanang mga butang alang sa iglesia, nga mao ang iyang lawas.

I Corinto 12:27. Kamo mao ang lawas ni Cristo ug ang matag-usa kaninyo bahin niini.

**2. May lain bang ngalan ang iglesia sumala sa Bibliya?**

- Oo. Sumala sa Bibliya ang iglesia gitawag usab nga pangasaw-onon ni Cristo.

Pinadayag 21:9. “Umari ka, ipakita ko kanimo ang pangasaw-onon, ang asawa sa Cordero.

Pinadayag 19:7. Kay ang kasal sa Cordero nahiabut na, ug ang iyang pangasaw-onon nakaandam na sa iyang kaugalingon.

Efeso 5:25. Kamong mga bana, higugma ninyo ang inyong masigkaasawa, maingon usab nga si Cristo nahigugma sa Iglesia ug mitugyan sa Iyang kaugalingon alang kaniya.

**3. Unsa pay laing ngalan sa iglesia sumala sa Bibliya?**

- Sumala sa Bibliya ang iglesia maoy usa ka tinukod ug binalay aron pagapuy-an sa Dios.

Taga-Efeso 2:20-22. Kamo nga tinukod ibabaw sa patukoranan nga mao ang mga

apostoles ug mga profeta, nga niini si JesuCristo mao ang ulohang bato. Diha kaniya ang tibook nga tinukod nausa ug nagatubo ngadto sa pagka-templo nga balaan sa Ginoo; ug nga diha kaniya kamo usab ginabalay aron mahimong puluyanan sa Dios pinaagi sa Espiritu.

#### 4. Kinsa ang mga sakop sa Iglesia?

- Ang mga sakop sa iglesia mao kadtong mga tawong matuod gayud nga magsunod kang Cristo nga makasinati sa kabag-ohan sa kinabuhi.

Mga Buhat 2:44, 47. Ug nag-ipon ang tanang nanagpanoo ug ilang gipanag-usahan sa pag-ambit ang tanang mga butang. Ug sa matag-adlaw gidugang kanila sa Ginoo ang mga ginaluwas.

#### 5. Unsa ang mga tulumanon sa Iglesia?

- Ang mga tulumanon sa Iglesia mao ang pagbautismo sa tubig ug ang pagpikas-pikas sa tinapay nga ginatawag usab ug katapusang panihapon sa Ginoo.

Mateo 28:19. Busa panglakaw kamo ug himoa ninyong mga tinun-an ang tanang kanasuran sa pagpamautismo kanila sa ngalan sa Amahan ug sa Anak ug sa Espiritu Santo.

I Corinto 11:23-25. Kay gikan sa Ginoo nadawat ko ang gikahatag ko usab kaniyo nga ang Ginoong Jesus sa gabii sa

pagbudhi kaniya, mikuhag tinapay ug sa nakapasalamat na Siya, kini iyang gipikas-pikas ug miingon siya, “Kini mao ang akong lawas nga gipikas-pikas alang kaninyo. Buhata ninyo kini sa paghandum kanako”. Sa maong paagi usab, tapus sa panihapon ang kopa gikuha niya nga nag-ingon, “Kining kopa mao ang bag-ong pakigsaad diha sa akong dugo. Buhata ninyo kini, sa matag-inum ninyo niini sa paghandum kanako”.

I Corinto 11:26. Kay sa matag kaon ninyo niining tinapay ug matag inom ninyo niining kopa, ginasangyaw ninyo ang kamatayon sa Ginoo hangtud sa iyang pag-anhi.

## 6. Unsa ang dakung buluhaton sa Iglesia?

- Ang buluhaton sa Iglesia mao ang pag-wali sa maayong balita ngadto sa tanang katawhan.

Lukas 24:46, 47. Sa ingon niini nahi-sulat nga ang Cristo kinahanglan gayud magaanus, ug sa ikatulo ka adlaw mabanhaw siya gikan sa mga patay, ug nga sa iyang ngalan ang paghinulsol ug ang pagpasaylo sa mga sala kinahanglan igawali ngadto sa tanang kanasuran sugod sa Jerusalem.

Marcos 16:15. Ug siya miingon kanila, “Panglakaw kamo sa tibook kalibutan ug

iwali ninyo ang Maayong Balita ngadto sa tibook kalibutan.

### 7. Unsa ang dadangatan sa Iglesia?

- Ang katapusang kapadulngan sa Iglesia mao nga kini mahiusa kauban gayud ni Cristo sa walay katapusan.

Taga-Efeso 5:25-27. Si Cristo nahigugma sa Iglesia ug mitugyan sa iyang kaugalingon alang kaniya, aron iyang balaanon siya sa mahinloan na niya siya pinaagi sa paghugas kaniyag tubig uban sa pulong. Aron nga sa iyang atubangan ang Iglesia ikatanyag diha sa katahum niini, nga walay buling o kunot o bisan unsang sulo-sama niini aron magbalaan siya ug dili masaway.

#### ANG IMONG PAGABUHATON

1. Sublia pagsag-ulo ang mga sag-ulohon gikan sa una hangtud sa ikapitong leksyon.
2. Kon masag-ulo na nimo pag-ayo ang mga sag-ulohon, tubaga ang mga pangutana sa Talaan sa Tinun-an alang sa ikawalong leksyon.

Imong natapus ang katunga niining maong pagtulun-an. Ang imong mga nasag-ulo, makatabang ug daku kanimo. Karon sunda ang mga pahimangno nga imong makita sa katapusan sa mga pangutana sa ika-walong leksyon, sa Talaan sa Tinun-an.



*Minahal nga Tinun-an sa ICI,*

### **PAHALIPAY!**

Karon, natapus na nimo ang unang katunga sa kurso nga "Ang Atong Gitoohan." Nagaandam na ikaw sa imong kaugalingon sa paghatag ngadto sa uban sa mga pagtulun-an sa Dios sumala sa nahisulat sa Biblia.

Kon ang unang bahin niining kursoha nakatabang kanimo sa pagtudlo sa mga pagtulun-an sa Biblia, ang ikaduhang bahin niining kursoha magabuklad diha kanimo ug dugang pang mga kamatuoran. Matag leksyon hinungdanon kaayo sa imong pagtoo.

Niining panahon sa kasamok ug pagkawalay kasegurohan, daghang mga mini nga pagtulun-an ang nagatabon sa tanang kadalanan sa tawo. Makita sa usa ka bag-ong Cristohanon nga siya masayon lamang lit-agon sa usa niining mini nga mga pagtulun-an. Daghang mga Cristohanon karon nga wala masayud kon unsay ilang toohan. Wala sila kaayo maseguro mahitungod sa ilang gibarugan ug sa Pulong sa Dios o Biblia nga nagatudlo sa Cristohanong pagtulun-an. Usa ka lig-on nga patukuranan diha sa Biblia mao gayud ang gikinahanglan sa usa ug usa karon!

Aron madali sa usa ka tawo ang pag-ila sa mini nga pagtulun-an gikan sa matuod, batonan niya ang basahon nga "Ang Atong Gitoohan." Ang kurso sa ICI nga sama sa "Ang Atong Gitoohan," makapatubo sa pagtoo ug makatabang sa paghimo sa usa ka tawo sa pagkamatitud-anon

ngadto sa Dios. Kining imong pagtuon niining kursoha, makatabang kanimo sa pagdala sa uban ngadto sa Dios. Ang pagkabig sa mga kalag ngadto kang Cristo mao ang labing hinungdanong buluhaton karong panahona, apan diotay lamang ang nabansay nga mga magbubuhad. Busa, padayon sa imong pagtuon karon. Kining kompleto nga basahon sa Biblia nga "Ang Atong Gitoohan," mao ang imong gikinahanglan ilabi na nga anaa ikaw sa espirituhanong pagtubo diha sa pagtoo nga pinatukod sa Biblia.

Nagasugod ka sa hustong dalan sa dihang nagtuon ikaw sa Unang Basahon niining kursoha. Ang imong matun-an sa Basahon II seguro gayud nga makatabang kanimo sa dugang pang pagka-pektibo sa buluhaton sa Dios. Makahimo na ikaw sa pagpahayag ngadto sa imong mga higala ug mga silingan kon unsa ang gisulti sa Biblia mahitungod sa mosunod:

ANG KALIBUTAN SA MGA ESPIRITU  
ANG KAUGMAON  
ANG KASUGOAN SA DIOS  
ANG IMONG KALABUTAN SA DIOS  
ANG IMONG KALABUTAN NGADTO  
SA UBANG TAWO  
ANG CRISTOHANON UG ANG IYANG  
KAUGALINGON  
ANG CRISTOHANON NG KINABUHI  
ANG KINABUHING PUNO SA  
ESPIRITU SANTO



# AYAW PAGLANGAN!

AYAW PAGLANGAN! Pagsulat karon sa Basahon II sa kurso nga "Ang Atong Gitoohan!" Seguroha nga masulatan nimo ang porma sa ubos ug ipadala dayon ngadto sa:

INTERNATIONAL CORRESPONDENCE

INSTITUTE

PHILIPPINE NATIONAL OFFICE

P. O. BOX 1084 — MANILA

Sir:

Palihug padalhi ako sa Basahon II sa kurso sa Biblia sa ICI nga giulehan ug, "Ang Atong Gitoohan." Lakip niini ako usab nga gipadala ang P. . . . . aron sa pagtapus sa akong "installment" nga donasyon alang niining basahona. (Klaroha pagsulat)

Ngalan . . . . .

Pinuy-anan . . . . .

Ayaw pagkalimte sa paglakip sa imong ikaduhang bayad sa "installment" nga P5.00 ngadto sa ICI Philippine National Office.

## POST OFFICE EDUCATION

- \* Your mail box is the point of contact with ICI
- \* Students learn at home through ICI Correspondence Courses

## WHY NOT YOU ?



**ECONOMICAL! CONVENIENT!**

- \* **WRITE FOR FURTHER INFORMATION:**



**P. O. BOX 1084  
MANILA**